

王柴志藁

王樂志高集

新編高集

壬癸志稿目錄

卷一

名宦

太倉州

臺司

郡守

知州

倅貳

教職

武職

卷二

人物

太倉州

列傳

卷三

壬癸志稿

人物

太倉州

忠節

卷四

人物

太倉州

孝友

卷五

人物

太倉州

目錄

文學

卷六

人物

太倉州

宦績

卷七

人物

太倉州

耆碩

卷八

壬癸志稿

人物

太倉州

義行

卷九

人物

太倉州

隱逸

卷十

人物

太倉州

目錄

二

藝苑

卷十一

人物

太倉州

技術

卷十二

人物

太倉州

流寓

卷十三

壬癸志稿

人物

太倉州

釋道

卷十四

人物

太倉州

雜傳

卷十五

人物

太倉州

目錄

三

列女一

卷十六

人物

太倉州

列女二

卷十七

人物

太倉州

列女三

卷十八

壬癸志稿

人物

太倉州

名媛

卷十九

名宦

鎮洋縣

知縣

佐貳

教職

卷二十

人物

鎮洋縣

目錄

四

列傳

卷二十一

人物

鎮洋縣

孝友

卷二十二

人物

鎮洋縣

文學

卷二十三

壬癸志稿

人物

鎮洋縣

宦績

卷二十四

人物

鎮洋縣

耆碩

卷二十五

人物

鎮洋縣

目錄

五

義行

卷二十六

人物

鎮洋縣

列女

卷二十七

人物

鎮洋縣

列女

卷二十八

壬癸志稿

人物

鎮洋縣

名媛

目錄

六

孫

溯昭 溯旭 溯耆 溯時 溯灝 溯暉

曾孫

纘槃 誦槃 綏槃 釋槃 繩槃 詒槃 誦槃

謹校

壬癸志稿一

太倉錢寶琛伯瑜輯

同里

葉裕仁涵溪
季錫疇菘耘
趙兆熊耳山
畢庭杰雄伯

參校



名宦

太倉州

臺司

元

董搏霄字孟起藁城人性耿介剛明至正十三年海賊侵太倉立水軍都萬戶府鎮之搏霄由江浙行省參政任副萬戶事時方國珍引蘭秀山賊來寇搏霄督戰艦

壬癸志稿

名宦

禦獲賊數百人梟首劉家港及半涇由是賊不敢犯祀遺惠祠

明

吳楨定遠人洪武初以靖海侯

張寅志作靖遠侯

開府太倉總

督海運讀書好文士凡船場兵庫公館諸廨皆其建置於婁民尤多惠愛

陳瑄字彥純合肥人永樂初以平江伯總督海漕禮賢

惠下人心翕服後建議鑿漕渠功尤偉軍民為立祠

夏原吉字維詰湘陰人歷戶部侍郎永樂初兩浙大水奉命來治奏罷害政數十事布衣徒步訪水道導之入

海奏發粟三十餘萬石活飢民甚眾時議水退淤肥宜
召佃墾種以益國用原吉馳奏不宜重困吳民議乃寢
祀遺惠祠

周忱字恂如吉水人宣德五年以工部侍郎巡撫南畿
置水次倉受秋糧運外餘米以充夏稅又餘卽應百公
務爲東南利又以太倉鎮海二衛同治一城請立學訓
衛子弟太倉文教自忱始祀遺惠祠又與都御史崔恭
祀二卿祠

崔恭字克讓廣宗人天順初以副都御史巡撫應天務
守周忱規制太倉衛有軍戶絕無賴子利其遺產自誣

王癸志稿

名宦

二

占籍御史郭某信之里中連坐配衛者二十四人列狀
訴恭下有司覈實盡復爲民一方頌德祀遺惠二卿兩
祠

王恕字貫宗三原人成化間巡撫應天奏建太倉州治
下蘇州府核報旋寢後卒如恕請祀遺惠祠

朱瑄鄞縣人宏治間巡撫應天請立州治疏陳六利詔
可州初立凡營度多出瑄手廉節約儉勤恤民隱祀遺
惠祠

艾璞官都御史曾大有張旻並官巡按御史宏治十七
年海寇施安鈕東山等作亂會駐太倉率舟師討平之

並祀遺惠祠

高江正德間任浙江按察僉事先是宏治間又有備倭都指揮僉事王憲俱平海有功祀遺惠祠

蔡克廉號可泉操江都御史嘉靖三十二年倭突薄太倉城時克廉駐蘇州星馳至州城乘堞冒矢石督將士固守擊殺賊三十餘人乃遁去

周如斗字允文餘姚人蘇松巡按嘉靖時倭寇太倉後復苦旱疏免一歲稅糧又御史尙維倭亂後奏畱漕米萬石賑饑

任環字應乾潞安人任蘇州府同知嘉靖三十二年倭

王癸志稿

名宦

三

入寇環練民兵躬介冑策馬力戰遍體書姓名曰死綏職也爲二親記此髮膚環治兵夜不解甲與士卒同寢食俸入悉以犒士士樂用命嘗與賊戰敗追幾及庖者徐珮手搏賊免環珮竟死旣以僉事備兵太倉疽發聞賊至裏創出擊賊大敗俘斬甚眾倭平陞參政卒贈光祿卿

王儀字克敬霸州人嘉靖二年進士初知嘉定縣後守蘇州及任蘇松兵備副使時倭初平議省兵食儀獨詳利害請於臺凡十五事乃卽所部自金山而北至圖山袤八百里合諸軍分戍又移鎮將使首尾應嘗督漕遇

涸儀發機致水凡三百里以五日濟謂吳田糧不均下屬邑履畝會計儀竭思立法乃均去後民祀州之鐘樓今改祀報本寺

歐陽鐸字崇道泰和人嘉靖初巡撫應天時蘇郡田賦大壞豪右多欺隱詭寄糧輕者畝五升重者十五倍之鐸言蘇之田賦甲天下吾不能減額而能均之會蘇州知府王儀遷兵備副使議相合下屬邑清丈均科則賦以平太倉鑄石公所

倪元珙字賦汝上虞人以御史提學江南時吳中盛文社太倉復社張溥主之四方雲集有爲蜚語告變下臺

王癸志稿

名宦

四

司治元珙抗言諸生修名節講文藝無亂狀柄國者以爲黨請光祿寺錄事

馮元颺字爾賡慈谿人崇禎八年以參議任蘇松兵備道抵任視行間積玩慨然曰我官何銜兵不備曷稱職乃選材官簡募技勇別設一營號中權增餉練武適京師戒嚴元颺聞命泣諭將士出師勤王皆感奮事解而回於是浚城濠置器械舉軍政復檄試四郡士兼策經濟拔其尤子弟稱馮氏學性廉平吏事尤精敏詰盜片言可折財賦累萬運掌可會計會復社蜚語上聞事下臺司元颺同倪元珙力爲申辨觸權貴左調去瀕行官

軍泣下士民擁車幾不前

黃希憲字又生宜春人崇禎十三年巡撫江南時民困於役最重爲白糧解戶家立破其次徵地丁銀爲收頭民田十畝以上者皆不免希憲疏其害請以白糧委縣佐而收銀屬之吏重困盡釋

國朝

秦世禎字瑞寰廣甯人順治八年以御史按吳彈貪墨捕大蠹雪冤誣時漕卒驕橫每米石索加銀二三錢世禎奏立五米五銀法官給之著爲令

李森先字琳枝平度人崇禎十三年進士順治十三年

壬癸志稿

名宦

五

以御史按吳捕豪猾胥吏悉置諸法又舉孝子節婦以興民行時劉河塞工鉅臺司莫敢任森先因士民請獨與知州白登明決策開濬功垂成以他事逮去父老執役者皆爲垂涕

馬祐字篤周滿洲人順治九年滿洲榜進士第三人及第康熙八年巡撫江蘇奏蠲元年至八年逋賦一百九十餘萬濬劉河吳淞江清田畝行官收官兌法修築南北塘殲盜魁雪沈獄一時風俗清謐會淫雨漂沒田廬憂惶成疾而卒自草遺疏極陳水災民困言不及私方國棟字干霄宛平人康熙十二年任守巡道修築沿

海墩臺橋梁隄岸及建劉河插措辦工費不以累民民咸德之

慕天顏字鶴鳴靜甯人康熙十五年任布政使值水旱相仍亟賑貸緩徵稅已又開濬劉河吳淞利七郡蓄洩尋入覲凡七上疏請減賦除荒及陞巡撫復疏請蠲被災田賦民困以蘇

湯斌字孔伯睢州人順治九年進士康熙二十三年巡撫江蘇飭僚屬安農業罷淫祀復社學吳俗奢靡悉裁之以禮又累疏陳吳民疾苦請減賦額還朝之日吳人攀送者數千人

壬癸志稿

名宦

六

趙士麟字玉峯河陽人康熙二十五年巡撫江蘇下車捕豪猾姦蠹悉置之法境內肅然時太倉收白糧苛甚折斗米至三百錢士麟行部至收蠹胥重杖之歡呼載道

包括錢塘人進士繆禮山漢軍人雍正朝並任分巡道駐太倉整飭官方民懷其德胡文伯海陽人歲貢乾隆朝任蘇松糧儲道漕政肅清陞江蘇按察使旋擢巡撫賢聲清節並著於時

林則徐字少穆侯官人嘉慶十六年進士道光三年任江蘇按察使其夏大水至初冬四鄉猶巨浸農不得耕

州紳士議挖劉河故道以洩上游諸水大吏或難之則徐力主其議未半月水盡洩高下皆得樹麥後十年撫吳遂有開濬劉河之役則徐每坐小舟數往來河上察勤惰測淺深與役人相勞苦不煩供億其規畫詳盡見水利中

郡守

明

况鍾字伯律深州人始以吏事尚書呂震薦授部曹宣德初擢知蘇州府賜敕以便宜行事郡田稅額最重鍾奏減正賦七十二萬一千有奇募民墾荒起科以免賠

壬癸志稿

名宦

七

糧一十四萬九千五百有奇停徵淹沒田糧二十九萬五千往時太倉重賦其得遞減者皆鍾力也祀遺惠祠林世遠四會人宏治年知蘇州府值崇明施天泰等作亂譟入劉家港縱火而西都御史魏紳檄世遠諭降之國朝
賈樸故城人康熙四十五年知蘇州府潔己愛民整飭綱紀按部至太倉親鞫劇賊馬張二等得實飭署州商奕銓立弊之州境以安

知州

元

王安貞字吉卿安陽人延祐初以朝列大夫知崑山州時州治初遷安貞事有規制民不知擾政教並行秩滿遷饒州路治中州人祀於學

那懷蒙古斡吉刺氏泰定初以武德將軍任崑山州達魯花赤時州未立廨那懷創作之先是上官至民苦供帳那懷以公緩預辦役始息又崇儒重老成爲時賢牧八資刺字思齊畏吾氏至元二年以奉議大夫監崑山州先有儉人占學宮斥諸生立石隱界八資刺下車卽還諸生籍興復如舊又建採芹亭風俗爲之一變

勃羅帖木兒字存中唐兀氏至正七年以奉議大夫監

壬癸志稿

名宦

八

崑山州適立都水庸田使司受委開浚工畢民不知役修廟學禮樂力善有仁恕風

史文彬丹陽人至正九年領崑山州事明年春海寇犯境官軍百艘所過橫掠文彬嚴禁之犯則立置於法民以安堵新廟學增弟子員勸農平役皆極明幹

明

李端字表正棗陽人宏治十年立太倉州以御史出知州事時方草創兩衛弁爭長軍伍仍故習侮鄉民端治以法皆斂手服崇明有黃道恣劫殺人縣莫能禁端以計擒之笞死爲人儆負氣節面折豪貴無所諱陞廣

南知府行橐蕭然祀遺惠祠

翟敬猗氏人由翰林院檢討出令休甯來知州事涖以寬簡嘗靖海盜不見聲色三年遷鳳翔府同知累官都御史

倪宗正字本端餘姚人以庶吉士出知州事有性度和易近民時東南大水民死載道宗正殫心拯救疏陳利弊六事其興水利均田稅尤爲切要遷兵部武選員外戒行州民遮道泣

黃廷宣字汝爲莆田人正德九年進士來知州事撫眾慈易於姦宄不少借禁游僧母入境數毀淫祠立鄉學

壬癸志稿

名宦

九

延師訓子弟歲旱去冠蓋被農服祈禱四郊三日而雨時冠禮廢廷宣醮其子擇名士爲賓曰此古成人禮其爲州倡性方嚴不能曲意在州五年改南京右軍都督府經歷

劉世龍字允卿慈谿人正德十六年進士嘉靖初知州事世龍短視動止簡略公暇喜吟詠善草書然性明察心在民事時立州已三十年進士屈儒太僕丞姚奎以添設非宜奏請裁撤世龍采諸生王梁議力言存州有六便勘上州得不廢尋入爲國子監博士

王揚字維直三河人以刑部員外郎出知州事性剛方

又通敏無畱獄教子弟有法州苦徭役里胥得爲姦揚手自編次民力乃均未二年入爲兵部員外郎

陳璜字珮之鄱陽人以兵部郎中調外知州事吏治尙修謹不爲深文修廟學創三閘撤淫祠材建尊經閣公私不擾暇日集諸生講說經義人稱循良

黃仁山字元靜新淦人以給事中遷嚴州知府謫知州事性明敏御事精審訟獄皆無畱滯陞馬湖同知

楊儒魯字得之興國人嘉靖五年進士初知通州改太倉儒魯坦易好文墨有乞書者公暇卽據案應之政近人無操切轉戶部員外郎時郡縣吏任內有民逋雖遷

壬癸志稿

名宦

十

例不得去儒魯旣轉得代巡撫責完逋因儻居民舍民爭輸之不一月報具

熊桴字元乘武昌人嘉靖二十九年進士知州事三十二年倭突入劉家港掠州四境尋薄城桴晝夜乘城守適御史蔡克廉至倭乃去復奉臺檄出入兵間多軍功當倭掠時掘地夷竈村鎮幾無人倭退桴百方撫循復苦旱請於御史周如斗疏免一歲稅糧子遺始全活以功陞蘇松兵備道

孫科號勿齋普安人由舉人知州事性介不名一錢時苦里甲供應夫役條上得召募設諭盜六禁民知懲勸

月課諸生勤學者優給之教俗儉約務修行兵荒後賴以安息在任凡三年

袁伯睿江西人由舉人知州事政簡約不徇請謁或屬以事卽面謝不敏時田賦多隱匿伯睿履畝清量豪不得占隱額遂平性遲緩方言目遲緩爲木拖因以呼之伯睿聞笑曰後人當思我木拖也去果懷之

韓策字對廷南宮人萬厯十四年進士知州事值頻年水旱齒骸盈路策請臺司得公鏹萬餘浚水道民因藉畚鍤全活且貽遠利當審徭役與鄉民絮語務得其情丁永祚號建白南昌人萬厯二十年會試副榜授福清

壬癸志稿

名宦

十一

知縣陞太倉知州歲旱潦永祚蔬布徒跣烈日泥塗中雨暘立應臺檄急催科令民無恐我以官爭之民不忍逋賦亦辦給定役下里孤嫠至攀案與爭用物給平值牙戶不知官估先後七年去

趙贊化字延禧德化人萬厯四十一年進士天才敏決事無畱者州田賦隸都都設畚不等畚設甲十甲領散戶胥匿賦每徵籍止載欠數凡田若干稅糧若干不攝總數可以恣斃贊化立長單法視單會計胥吏洗手從事舊時十甲輪充里長任催一都賦當其年者殊苦贊化獨責都中逋重戶任催如自及額卽易他逋戶復寬

程限故賦清而民不告艱治獄立辨兩造咸服或偶失當卽引咎改之家人歸一老僕左右夜篝燈案牘畢身自執爨任五年陞工部員外郎

陳如松字白南同安人舉人由蕭山知縣陞知州性落拓絕一切尺幅然負高才有強力事無劇易五官并給治大訟呼兩造搖手何苦冤結我爲若解之小訟開兩手作勢曰多事逐去州例官放衙管庫吏治具以進如松叱去謁臺司候久出袖中錢市糲食以食卽臺司至供帳簡脫詰責亦不動也嘗試童子卷千餘一日夜榜發有愬遺斥者如松問姓名卽誦其疵句驚相匿去書

壬癸志稿

名宦

十二

法名家人乞書就判案應之後以忤上官意拂衣去劉士斗字瞻父南海人崇禎四年進士知州事讀書知大體常時不取一官下物值生子市吳綢四尺人以其異心慈厚坐堂上村婦子皆得至其前嫉惡最嚴以次鋤姦猾四五輩下車時衙役衣鮮衣乘肩輿其役身宦家者益橫士斗皆繩以法豪凌良弱立逮治他邑枉滯多乞臺司赴太倉訊辨仿前知州趙長單法邑賦以清朔望集子弟甲乙文藝子弟咸勸六年冬署崑山適漕卒恣暴民譁忌者以聞左調去兩邑士民號呼負磚石填城門適巡鹽御史行部羣訴且泣御史特疏辨畱不

得扁舟夜出境後任成都推官十七年擢建昌兵備僉事未行張獻忠陷城被殺妾張氏幼子晉積薪闔署自焚二十餘人同殉義

國朝賜諡烈愍

錢肅樂字希聲鄞縣人崇禎十年進士授太倉知州豪奴黠吏按必如律民有母訟子杖其子令跪母前并論其母俱感動泣謝去有兄弟訟者諭之曰汝小忿奈何傷天性親盍退思閱數日兄弟果來謝州健訟多以人命誣人肅樂令投牒時先書屍棺到壇四字驗真訊如法否則坐誣去風頓息大旱禱於神雨隨至時苦蝗米

壬癸志稿

名宦

十三

價騰貴窮民聚爲亂肅樂捕其魁立斃之復勸大姓出粟賑饑減價平糶設法煮糜舉同善會周恤善類全活甚眾在任五年善政畢舉與州人張采同修州志秩滿遷刑部員外郎丁艱歸後仕魯藩死於福州琅琦山事詳明史 國朝賜諡忠節

國朝

李作楹字辛水孝感人明崇禎三年舉人知州事鼎革初海氛屢警苦供億作楹儲峙糧草取辦俄頃 大兵過民不爲擾時新令未頒賦役紛雜訟獄滋興作楹翦姦抉弊綜理無滯眾心折服又以其暇衡文校士獎勵

諸生遷江西建昌同知去

白登明字林九奉天人由柘城知縣陞授知州甫下車立四禁一衙蠹一地棍一賭博一姦淫浹旬試諸生令於卷尾陳利弊以次摘發無遺時大蠹五六人盤踞州境構陷良善人不自保復要結撫按衙門操官吏短長莫敢詰登明先後計擒之杖斃通衢姦人專構造命盜案或捃摭人陰事興大獄鞫訊得實立斃之鄰境有冤咸請上官付州質審尤以德教民立講院舉同善會賑孤貧旌孝義無虛日催科自正供外毫無羨餘州民以條丁銀自封投櫃自登明始州地東高西下自劉河壅

壬癸志稿

名宦

十四

塞旱潦無備登明用銷圩法先浚朱涇繼浚劉河於是震澤諸水得以入海實爲東南七郡利會以逋賦劾去士民祖道闕咽鄉城皆立生祠

朱士華字君實鑲藍旗人蔭生康熙十六年任知州蒞任後勸農桑省刑罰緩征稅絕苞苴禮賢敬老爲政不尙煩苛務以德化以拙於催科罷去去之日居民泣送者萬人

王溯維字七峯嵩縣人康熙三十九年進士由崑山知縣陞任州鄰崑山溯維爲政強敏久著至州姦猾屏息夜不吠犬衢巷不聞鬩鬪者時立鎮洋縣分治州歲漕

猶六萬有奇溯維不扶一人旬餘報具以遷去

黃廷銓奉天正紅旗人

職官表作正黃旗

由高郵知州來知州

事性質直廉斷折獄憑法不受請謁罷官後僑居民舍
饋粥不給竟卒於寓

江之煒字葵峯晉江人舉人雍正十一年由嘉定知縣
陞任州故無當舖時被視後貧民緩急不便之煒招蘇
郡大鋪分開州境民至今賴之州之田賦舊設圖書冊
書里書區書催科則有里差地差坐差諸名目民苦其
擾之煒勒碑永革并檄四邑通行之每朔望必課諸生
於尊經閣下手定甲乙一時有人倫之鑒乾隆五年以

壬癸志稿

名宦

十五

事劾去

傅椿字受先鑲黃旗人由高郵知州來知州事為政明
敏案無畱牘披覽訟牒洞見委曲經其摘發無冤者在
任二年疏七浦通城濠經理有次第遷淮安知府民惜
其去

趙錫禮字叔敘蘭溪人進士由泰州知州來知州事幹
練勤敏用法嚴明民不敢犯民間買田宅輸稅者向假
手胥吏累歲不給印券樊日滋錫禮每升堂收稅鈐印
對給民甚便之州治久圯以罰鍰葺而新之在任一年
擢知安慶府

蔡長灃字巨源漳浦人以官生考授京畿知縣職官表作優貢

生乾隆九年由無錫知縣陞任太倉州父禮部侍郎世

遠為理學名臣長灃本家學施之政事勤恤民隱廉正

自持時州境有民婦王徐氏以邪教煽眾其黨蔓延事

覺捕之誅其首餘置不問性侃直不少依附陞松江知

府職官表作江甯府後仕至刑部侍郎

宋楚望字荆川當陽人進士乾隆十七年由揚州府同

知調太倉初下車咨訪民瘼沿海屢被潮患請借帑築

塘捍禦南自寶山北至常熟支塘界綿亘五十里事竣

著海塘紀要一書於善後事宜尤極周悉捕役豢賊每

壬癸志稿 名宦 十六

竊盜案發過限期不獲即禁繫其妻孥役懼盜風寢息

歲除單騎赴四鄉給鰥寡老疾之無告者在任二年擢

常州府送者繪雙旌圖以贈焉

邵豐鏃號萊峯山陰人監生由山西崞縣知縣陞任太

倉州豐鏃通習吏事嚴正自持勤慎不苟吏民安焉在

任八年凡育嬰普濟諸善政經理不怠

貴中孚號嵩崖武陵人舉人歷任知縣陞知州中孚精

明彊幹亦長於掄文州志自明張采後無繼起修之者

中孚慮事久湮沒請王宓程穆衡排纂草創未就以任

滿去

宋覲光字龍溪營山人拔貢生職官表乾隆三十九年
來知州事練習政事人不能欺治匪類尤嚴四境帖息
旋擢知徐州府

秦廷堃號復山漢軍鑲黃旗舉人乾隆四十年由蘇州
海防同知遷知州事性豪直賞罰嚴明時邑故家子錢
承謙有佃爲仇所弊佃屬誣之知縣任惠加刑鞠誣伏
讞已定值廷堃引見回廉得實竟雪其冤置仇於法
士民頌之陞紹興知府

孫思庭字坦園懷來人舉人由上海知縣陞任太倉思
庭爲政精敏賞罰必行未下車境內賭博無賴及流妓

壬癸志稿

名宦

十七

劇賊皆聞風屏息既至凡積年案牘經理一清里閭肅
然在任三月陞昭通知府去

康基田字茂園興縣人進士由河督謫官太倉州甫下
車崇文教斥淫祀浚玉帶河州中水道將次第開濬涖
事未久調去

張作楠字丹村金華人嘉慶十三年進士道光元年來
知州事政尙勤敏案無畱滯三年夏大水作楠荷蓑戴
笠履勘鄉村問民疾苦撫卹周至民賴以安平生淹貫
經術通曉政體遠近數十年以文教飾吏治者莫能踰
也涖州五年陞任徐州知府

李正鼎字剛峯吉水人由邳州知州陞任太倉性詳慎以能稱屢決疑獄刑無冤縱歲旱率僚屬步禱烈日中必得雨而後已道光十四年奉檄濬劉河身親督役不辭勞瘁尋以憂去

蔡維新字柳塘懷甯人道光二十一年來署州事明年夏暎夷犯吳淞口提督陳忠愍化成殉難潰兵塞州城居民驚恐訛言日至維新鞞刀匹馬巡防晝夜民獲安堵後以屬縣失守被議落職

蔡映斗號小漁雲南晉甯人咸豐三年六月中來署州事土匪周立春等據嘉定爲亂連陷寶山南匯八月十

壬癸志稿

名宦

十六

二日賊數百人突進州城映斗躬發擡鎗殪賊數人羣驚潰竄十四日賊復攻東門映斗偕署都司周建勳登城守禦鎗礮並施殺賊無算時吳縣知縣丁國恩適領蘇郡兵勇駐西門外與城中聲勢聯絡併力合擊城得無恙

倅貳

元

姜復昌嘉興人泰定初爲崑山州判時津助法行與省官覈產程役務平愜寬免單窶值長官拘執復昌氣容溫舒從容諷勸長官率爲之屈

徐石麟字仁甫蘭溪人至正間任崑山州判折疑獄修水利徭役咸當既休遂家於州貧不自給卒葬城南隅盧熊志其墓稱其出處議論淡然古君子

郜肅字彥清山東人任崑山州判專職農事至正間田汙被浸肅修築隄岸冒犯風露與民共勞苦工成潦不為災

明

丁隆字時雍南昌人由御史謫州同知州治經始多資規略與知州李端並著賢聲四年陞延平府同知

璩淵新城人由吏員累官至州同知性廉靜布袍蔬食

壬癸志稿

名宦

十九

不攜家累一僕給薪水期年致仕去知州倪宗正以三十金贖淵卻之弗及既歸寓書歸金宗正歎曰當為建卻金亭以記其事

黃暉福甯州人父釗仕温州府同知歿倭寇之難暉以蔭補州判能於其職嘗署嘉定知縣其人貌雍而視正其政廉而不劇寬而有制勞而善讓甫四月與人頌之後調楚藩護軍經歷

王昶按徐學謨海隅集有贈太倉州黃倅赴楚藩經歷序張采志無傳惟官師表內其時州判官有黃譜黃暉二人譜註黃梅人而暉下獨無註以學謨序證之其為暉無疑福建通志亦止有黃釗傳

王伯安確山人由吏員累官至州判有才譽務廉慎時

海上盜起伯安破之正德中以憂去

孫瓊肅甯人由監生任州判恭謹有幹力尤敬禮賢士擢知山西榆社縣

章綸字理之山西人由監察御史謫判州事時知州梁穀憂去綸署篆兩月人頌其清約尋改知濰縣

周延字南喬以兵科給事中言事左遷州判官性嚴毅律己清約繩豪右必以法人不敢犯以憂去

董效賢號北溪釣州人爲太倉吏目嘗跡島盜從壯士拚之盜魁就縛立解散其黨以賢能爲上官所器丁母喪去

壬癸志稿

名宦

二十

王聘字彥覺利津人由兵科給事中言事謫州判性諒直居官惟一僕應門嘗公事夜歸身自執爨煖餽粥盂蔬以食每行鄉屏軒蓋遇農耕則止隴上勞勸如家人兩署州事不事煩苛有興舉必通下情遷南京戶部主事

王儒蓬溪人以歲貢除州判官廉介不苟時俸廩例當加直儒獨從市價餘卻之自初任至轉官服敝則澣補未嘗有所改益居三年陞雲南永昌府推官

湯拱贛州人以歲貢選州同知處事詳慎居四年清白不渝陞成都府通判

李乘雲字子雨鈞州人以監察御史言事左遷州判官乘雲質直處官如家不肯以謫官避事能體民隱嘗編次里甲視田豐嗇務稱平軍衛亂民版籍悉釐正之居未二年陞蒲州知州

李枝秀字干雲肥鄉人進士左遷州判官州缺攝篆清平無擾時議濬鹽鐵塘故時開河豪強漏役又每都設塘長凡管河官需索陋規無厭費鉅工卒不集枝秀計畝受工用水平法定深淺下令曰我無他科但工不集有重典刻期行河丁夫踴躍事遂竣

國朝

壬癸志稿

名宦

三

商奕銓字右衡山陰人由監生考授州同知三攝州印有能聲時沙溪劇賊馬張二糾夥肆劫吏不敢問奕銓計擒斃之康熙四十六年姦僧一念倡亂糾陸申錢保王昭駿等內應約是夜五更放爆開城知州李颺廷聞變惶懼失措奕銓申嚴守備密飭衙鼓以四爲節部署甫定會天將曙急率壯士扣巨魁門時兇黨已嚴裝待揮兵掩捕悉就擒一念逸去獲其簿籍僞劄按擒四十八人餘悉不問事聞魁黨伏誅明年一念亦就擒在任十三年以攝印時腐米落職羈太倉貧不自給乾隆元年遇赦不能歸卒葬太倉

儲京靖州人以附貢生任州吏目操守廉潔性慈善人以老佛名之陞鎮江府經歷去

教職

元

孔淵字世陞孔子五十三世孫其六世祖端越爲宋顯武大夫南渡至淵父之敬任元通州監稅淵由通之崇明徙家崑山延祐元年州治遷太倉新作學宮皆淵成之遂攝學事學行修治爲人倫宗號莘野老人子克讓孫士學能世其家

明

壬癸志稿

名宦

三

朱冕字士章嘉興人由崑山縣教諭陞太倉鎮海衛學教授課諸生有常程當課者寄宿學舍冕間持炬隨一童厯省勤惰發疑難衣冠步履皆有師法後有孫珩餘姚人方巖爲冕繼

李亨字嘉會華亭人天順間衛學教授時新建學亭增葺學舍民間子弟近衛治者咸得肄業

甘澤字仁夫蘄州人州初立爲學正立教規公暇閉門讀書分外事悉不問亦未嘗苟談笑

錢世資雲南人正德九年爲州學正講說精暢自處極約念親舍萬里請布政司咨雲南分常祿以爲養擢四

川仁壽知縣

蔡廷周南昌人先授泗州學正左遷州學訓導清心苦學夙負剛直間有諂進輒面斥教誨人反復不倦正德十四年聘陝西鄉試考官中道疾還卒於官

黃績莆田人州訓導端方純正誨諸生言論敦切足爲後學師表後被誣去生徒上下泣辨竟莫能白

朱邦彥字民章永嘉人嘉靖十三年以貢授學正月試必治具以供進所拔士諄切勸獎其有喪及貧者不時周給之學道聞人誼以四十金檄備書籍邦彥出私錢買百餘種置於學還所檄金改建敬一亭及土地祠又

壬癸志稿

名宦

三三

置月試坐几六十餘擢延平府教授生徒百里泣送常大烜字仰坡秀水人以明通榜第一領州學事重經術名節弟子謁不問贄擇善者給膏油費貧者且爲代謀饗食至鬻已田以應有負枉或困繁役及他調發非分者得實爲白其狀於州州重其言無弗聽訟庭蓋無弟子跡也居五年聘貴州鄉試考官遷國子監丞錢景醕字琴箱無錫人舉人署州學正氣度閒雅進子弟講文行卻所執贄故事新進子弟必第其家高下徵脩脯景醕恥之謝絕月立期課偶挂名訟牒則爲援解貧諸生有俟以舉火者陞國子監博士去

蕭思似甯國人以舉人署學正講論性理教子弟從王
守仁學與鄉老徐鳴皋往復辨難持身嚴整一時矜式
馬希尹字維任無錫人以貢生任訓導適學正缺署印
凡二年希尹勤校課勸廉讓故時知州朔望行學青衿
環列言事希尹約束之喜談忠孝重鄉飲酒禮與人恂
恂至義理所在則奮往不顧學田有餘租以歸公陞廣
西平樂教授不赴歸

文祖堯字心傳呈貢人以明經授名山訓導崇禎六年
陞太倉學正時師道壞學宮圯師弟子視若路人祖堯
至葺文廟修尊經閣整祭器頒諸生儒學日程書善過

壬癸志稿

名宦

二函

月朔集明倫堂考其進退諄諄以聖賢之道相勸勉鼎
革後棄官寓僧舍間以青烏術自給州人皆知滇南先
生爲古君子久之南歸道卒門人私謚貞道先生卽故
寓爲祠曰思賢廬後建祠學宮左廢今祠南園

國朝

李煜字亮采金壇人邳州籍順治十四年舉人授州學
正爲人豪宕厯落葺學舍嚴祀典月集英雋課之又建
射圃亭仿先正觀德會與諸生講習其中邑中有大議
或大工當事多委任焉以卓異遷莘縣知縣

吳雲堯字木夫上元人舉人考授中書乾隆二年會試

中明通榜改授學正由六安調太倉操守廉靜務以行
誼誨士文章樸實一宗先正理法鄰學孫斯位鄭拱圖
卒於任傾囊經紀其喪乾隆二十年禾災委查賑實心
稽覈

陸國賓字省齋華亭人舉人乾隆二十六年任州學正
才識明達操行端方陞巴東知縣去

呂鴻字雲達金壇人舉人乾隆三十二年授太倉學正
為文章雅有先正體裁勤於訓迪從游者咸敬而親之
卒於任

薛澍字南沙常熟人舉人乾隆三十八年任州學正精

壬癸志稿

名宦

三五

文律諸生質正者口講指畫娓娓不倦任滿以老辭歸

武職

明

劉廣羅田人明兵取太倉廣以千戶守僞周張讓來爭
城廣遣兵越張涇與戰大破之洪武四年論功擢永平
衛指揮僉事

朱文無為州人吳元年設太倉衛命文以指揮同知統
之洪武二年倭入寇文禦敗之後陞後軍都督

王得

張采志
作翁德

太倉衛指揮僉事洪武二年倭寇沿海抄

掠得率官軍出海遇於海門之上幫及其未陣擊之殺

溺甚多生擒百人陞指揮使

王璘字廷用定遠縣人任鎮海衛指揮僉事讀書善騎射宣德二年交趾梗命將往討時同衛周指揮年老在選璘毅然曰彼衰效役少壯乃畱居豈臣子死綏職耶卽日請代行從安遠侯柳升抵昌江戰屢捷深入會大雨泥扼馬足死之子寬襲職亦好學居官以慈愛稱孫立尤有聲士林

武政字維德鎮海衛指揮性警敏好讀書知時務天順間巡撫劉孜奏兼督太倉衛事多所建立將老致仕所居水木亭榭一時名士樂與之游

壬癸志稿

名宦

三

熊獨隆衛指揮同知膂力過人能舉兩石獅嘉靖時倭犯太倉獨隆不俟官兵隻身往鬪殺賊無算中撓鈎死鄉人德之葬北門外今猶稱獨隆墳

馬子龍字應乾太倉衛指揮同知署指揮使嘉靖二十四年土豪王泓叛子龍會兵備道敖璠率兵往勦兵敗死之事平巡按奏其事立祠於南道院

姜統衛副千戶嘉靖三十二年倭寇汪直蕭顯等來犯統卽時領軍勦殺闔境以甯

趙勝世襲鎮海衛僉事嘉靖三十三年倭犯太倉殘燒四門勝登陴射殺賊數人兵備任環壯之委勝巡城後

賊犯江陰勝奉檄赴勦是時任環以憂去代者王某軍江上陽示剋期進兵實不欲戰且不給餉賊偵知之僞舉號如江上軍約潛伏四野勝領軍至伏發力戰殺賊賊眾攢兵斫死

俞仲麟字昭彥少讀書棄去為武生崇禎十五年海寇猖獗巡撫募兵勦捕仲麟隸太倉衛傅介子麾下入海擒賊著有功績尋告歸杜門不出授徒以老

國朝

陶鷹揚字鎮威江甯人授劉河營旗鼓廳順治四年海寇鄭芝龍犯境隨游擊高必昌捍禦海口屢著勞績授

王癸志稿

名宦

二十七

武德將軍

雷震華亭武舉任劉河營把總乾隆六十年九月奉派

巡洋遇盜格鬪死賞恤祭葬入祀昭忠祠

王昶按民壯又吳淞營兵王廷佐龔文明陸勝發護解兵糧同時被殺每名賞銀五十兩附祀昭忠祠

周建勳字臣哉金匱人署劉河營都司咸豐三年八月土匪周立春等據嘉定為亂建勳在城防禦十四日賊攻東門與知州蔡映斗悉力拒守鎗斃數十人賊眾敗走建勳待士卒有恩信故人樂為盡力

王癸志稿一終

